

Transkription von Urkunde SAW 1448a

Ort, Datierung: Salzwedel, 1448-06-09

Signatur: Stadtarchiv Salzwedel, 144/8a

Inhalt: Rat der Stadt Salzwedel: Rentenbeleg

Wy Tide brunow Tide mechow claws moll(er) Hans sch(er)m(er) Heyne pritzer clawes ercksleue Tide
böck Diderick chuden / clawes rekeling claws Kolnir Arnd calvlitze Ermbrecht schuckow w(er)ner
wittecop Me(n)te va(n) gawel Steffen schulte / Tide wolt(er) wolters lambrecht bade vn(de) Otto
vi(n)tzalberge Radman(ne) d(er) Stad Saltw(ede)ll Beke(n)ne(n) ape(n)bar vor alliszwem(e) / tugende
dat vor vns is gewesen vnse medeborg(er) vese knakenhow(er) vn(de) hefft vorkofft rechte vn(de)
redelke(n) to cynem(e) rech=/te(n) erffkope in vn(de) an synem(e) husze by hans scrodors husze vn(de)
in vn(de) an synem(e) garde vor dem(e) luchowesche(n) dore by / Hinr(ik) gladegow(en) des jüngers
garde belegen Hansze distorpe Heyne(n) wisteden vn(de) Hansz block sa(m)ptlike(n) êm ere(n) eruen /
vn(de) dem(e) hebbe(r) dess(es) brüff(es) myt erem wyllen twe m(a)rc pen(ninge) Rente(n) vn(de)
jarlig(er) thinsze vor durtich m(a)rc pen(ninge) solt=/wedelsch(er) weringe de ze vese(n) varg(e)n(an)t
wol tornoge entrichtet hebbe(n) vn(de) betalet desse twe m(a)rc pen(ninge) jarlig(er) / thinsze schal
vn(de) wyl vese erg(e)n(an)t synes huszes vn(de) garde(n) besitte(r) Hansze heyne(n) vn(de) hansze
varg(e)n(an)t sa(m)ptlike(n) êm / ere(n) erue(n) vn(de) dem(e) hebbe(r) dess(es) brüff(es) myt erem
wyllen alle jarlige(s) to veer tijden des jares alsze to Su(n)te michael(is) / dage neystkamende to
wynachte(n) to pasch(e)n vn(de) to su(n)te Joha(n)nes baptiste(n) dage touer iewelke(r) tijd myt achte
schilling(en) / pe(n)ni(n)ge(n) zund(er) vortoch wol to danke entrichte(n) vn(de) betale(n) doch zo
hebbe(n) de varg(e)n(an)t hans heyne vn(de) hans vor zijck / ere erue(n) vn(de) deme hebbe(r)
dess(es) brüff(es) myt erem(e) wyllen vese(n) varg(e)n(an)t synes hus(es) vn(de) garde(n) besitte(r)
togestedet ey(n)s /wedderkopes der varsc(reuenen) twe m(a)rc pen(ninge) re(n)te(n) vn(de) jarlig(er)
thinsze vor durtich m(a)rc pen(ningen) erbenomde(r) weri(n)ge alsze / uppe welke tijd is vese(n)
vorg(e)n(an)t vn(de) synes hus(es) vn(de) garde(n) besitte(r) wol beqweme is mach he vn(de) schal
hansze(n) / heyne vn(de) hansze varg(e)n(an)t sa(m)ptlike(n) en vn(de) eren erue(n) vn(de) deme
hebbe(r) dess(es) brüff(es) myt erem(en) wyllen de dur/tich m(a)rc pen(ninge) houetstoles vn(de) dar
to allent wes va(n) rechte(n) re(n)ten vn(de) thinszen dar va(n) sijck de(n)ne behore(n) / mach vul
vn(de) all entrichte(n) vn(de) betalen wen dat tornoge de(n)ne also geschen is so scholen vese(n)
vorg(e)n(an)t synes / hus(es) vn(de) synes garden besitte(r) de twe m(a)rc re(n)te(n) wedd(er) vrij
quijd vn(de) lōs syn To merer tuchnisse is vns(er) / Stad ingeseg(el) myt vns(er) witscap vn(de) fulbord
gehange(n) nedden an dess(e)n brüff gegeue(n) Na der bord (christi) / verteynhu(n)dert jar dar na i(n)
deme achtevn(de)uertigeste(n) jare des sondag(es) vor su(n)te viti dage /